

斷腸日記

新陽日記

尚齋



斷腸日記

徐子瑜。浙人。少有俊異。以韓吏部之章文。並裴將軍之武庫。主虎旅關外。英年偉績。震響中外。時余橐筆觀檢使署。佐治繡衣良以黑山白水之間。古多義俠。暇輒一杖溪壑。詣父老而揖之。欲得天下豪俊於危峯絕塞之間。而與之釣遊。早識中原無人耳。一日雪天粉糝。陰雲悲風。沽酒大醉。臥於南貞庵側。有頃聞發扁聲。余笑吟曰。門外有人臥雪花。曳步隱去。門闢有緹衣革冠者。健衛而出一尼。倏年逸貌。屑涕送之。奇之。大呼叩馬。騎者投轡曰。不聞徐子瑜天下男子耶。亟敬禮之。將軍問姓名。馬上揖曰。高臥雪天。先生自不凡耳。暇日當謀一酒。呼貞尼而叩之。能以傷心一史。溼白傅之淚也。長揖送之。去馬如飛。翌旦將軍誕日。百僚稱觥。亦懷刺焉。有軍長許芝珊。職位相埒。虎

椅駢坐。余入。子瑜趣與介紹。軍長氣象矜嚴。卓然不羣。與語大悅。嘗所簡相邀。數以酒餉余。既醉。輒抵足。覷之無室。其言曰。管甯不娶。王翰長鰥。各適其趣。固詰之曰。傷心人別有懷抱。言下漣漣。其慕客趙紫笙。胡虛生。皆一時之彥。辱在笙磬同音。結袂聯疏。欣貪晝永。分曹賭酒。好趁宵餘。不知復有客愁矣。又年春曉鶯啼。惜花起早。得紫笙書字。釀金爲芝珊賀。新以宗族爲螟蛉焉。閱書大悶。芝珊不娶。已云駭俗。年不滿三十。嗣子益詫。視芝珊文章品誼。俱臻絕頂。校十徐者。徐艱難締造。杜稷之臣。芝淡如曠如。雅似山林逸品。矧有時含哀煥乎。不能自禁。意者劇有心憤。恨恨在抱。削報章已至期。具衣冠往焉。既至。芝珊階逆。淚客不可飾。子瑜出座攜余。小步花檻。張簾促膝。曰。荒庵驀過。心事未罄。試回眸。一座娥娥。皆是情幕生丑。矚之。姘客修態。靚粧刻飾。列坐一是。急返踵。子瑜止之。目指之曰。其中高懸簪素心瓣者。判人霞痕。

芝珊之女弟。袒皓腕如雪。鏗爾釧鐲者。其女兒霜痕。胡虞生之配。背余坐者。紫笙室人字蘅芬。手小冊而汎瀾者。名翠嬌。霜痕之小姑。殊色也。又有比翠嬌差疲一人。名縵雲。下重泉矣。此許芝珊所以含酸茹嘆也。弱歲嚙臂已風。其兄復許字於僕。而縵雲遂死。余責子瑜曰。既有情盟。將軍刳之不武。子瑜曰。先之罔知。後之痛憚耳。繼之。手指有隱几泣流者。曰。此女冠。先生覲之一。天疑雨。卽縵雲之婢。月奴。傷縵雲之殞。矢貞持戒。先生悉記臆之。置有酒。再述其梗概焉。余曰。亟聞之。呼酒張延。揮退僕御。視將軍英威熏灼。壯其吭曰。心儀縵雲。爲千古奇女。先是其兄陳嘯谷。浙之望族。納青樓爲婦。獨走廣潮。余母雅愛縵雲。乞爲婚。其嫂大懼。俟潮嶺之允字。縵雲知之。遽病。縵雲表兄從珊。夙有鳳約。蹤跡嘯谷。要婚而去。會鄂亂作。道梗。嘯谷各北折而南。立允余母之論。時雲頻經險釁。疾疢彌年。余母豔其貌。終不他謀。孰謂嘉禮備而玉

人逝哉。嘯谷難之。粧霞痕以代焉。芝珊北躡嘯谷。相間一月之程。既返大慟。霞痕況月奴媵之。月奴不從。曰。病者長逝。何心與芝珊樂歲月也。自投清貞庵。半月。尼師了情死。時以邊氛來靖。余奉檄坐鎮。霞痕挈月奴從之。茅庵小結。輒過從焉。芝珊除軍長。曾師雞林。以病辭。虞生紫珊繼患之。遂拜命。可愍芝珊矢義不婚。用爲之納宗族之嗣。余聞竟大嘆曰。英雄兒女。世罕其儔。索紙欲爲之記。以彰有情。子瑜欣然。攜一書至。曰。此芝珊得之死者枕邊。病中斷腸之記。有細楷如蠅頭者。月奴之代筆。爲病劇廢管焉。記末死跡。亦月奴終之。先生高義。侍之存歿。卿感余捧書入懷。揖子瑜曰。絕域長征。遠訪俊彥。得將軍與軍長。知一代之英哲。今日義聞掇拾。疲驢策婦。卽以日記付之。刊公諸宇宙。同聲一哭。既歸。呼手民至。潔剗剗以俟。然後炷香於爐。承淚於甕。展讀其斷腸日記。

二月十二日爲百花生日。日出曜景。探窗葩萼紛若。芬馨離若。花稱誕矣。花自長春。人自越諜。怯疾淹芳春。心事浪憂。風懷如水。病骨似梅。揭白玉奩。久久慵粧。顧月奴香鬢壓枕。一燈殘照。影宿暈如酡。撫之憐來弱質。月覺驚曰。宵來嚙藥不內。如何醒之遽。小不珍護。憲婢子外勿復有溫涼人。聆月奴此言。有覘歟。既妝。月手小紅旛下階次。顏於盆列。芝珊適至。聽然而笑。月擲箋蘊逝。微喟一息。劇似不諧其興頭好者。月見大有心人。芝以花朝詞浼余倚聲。月竟其旛事。潛然曰。溯郎履斯闕者。看過花朝六度。綠鏡朱顏。催人易老。柔鄉頓此身焉。爲計也。芝不語。余爲掩中。清淚餞花朝。花應減色。忽雨晨霽。檐滴芝拖屐去。嫂至。挈一婦。爲比鄰。徐金熠翠搖。上下一滿。既促坐。豪于談辭。輒射余嫂對之言曰。徐姆大暇豫。公子不冠年。權金印如斗。風聞之尙虛室。不知誰家麗姓。盼得高門降衡也。旋語旅掠余以目。余大惡之。聞徐語曰。

此大難事。媒之者屢。罕其選耳。遂辭去。月奴曰。殷殷來者。編此一席誕話。奇已。余不能無懟於妓。妓本樂籍。兄妻之。遂遠游。家事搜屬。余隸之。慨此之婦倡者。假手以危骨肉。何嘗思維及之。痛余倚閨瓊質。酷受娘憐。母曩歲死。厄嫂之來。而萬籍呈幻。有母姨一人。嫂疾之。幾擯芝兄於親外。嗤其貧也。芝之眷余。鳳紙鈴盟已夙。乞婚於嫂。嫂一年幾籤媒媼之舌。曰。吾家無捧碎之女。姨母聞而大悼。置不言。芝兄文章憎命。轆軻益甚。嘗以婚姻自主爲余勗。余常思之前之數十年。嚴閨更無情言。後之數十年。古婚乃替一遵自由。復何訾議之有。丁此日者。情網四羅。已自由許之矣。復胡親命是範。自由終靳。坐是陷誤有人。余其一難爲芝郎道耳。月奴以膳陳稍沾米飲。索筐得霞妹摹玉版十三行。秀潤清挺。喜而臨之。腕力懈。細草如病骨。調鸚武誦白香山詞不成腔。倦而靠枕。月奴自外入。顏大異。細聲言曰。頃碧華言。夫人繩姑娘美。

毛遂於徐。往聽之果然。夫人雙眼霧滿。溺於勢利。不之怪。姑娘早不茲慮。及危。匪直辜於鳳盟已也。余不圖其速發。聞而口禁。碧且至。報曰。已飛箋於主人。益駭。迸涕交揮。嗽大作。忖變之猝。何策以御。碧之言。懃於姊姨。舌拙不悅。嫂意乃憤。非策。月之言。以不嫁告之嫂。緩其心。但不嫁非嫂顏。彼宵以附肌之疣爲戀哉。益速之鉤稽耳。欲問於芝。揣之無爲計。終之一哭而暮。雨已歇。燈殘一點。月剩三分。探衾淒絕。念爾後波譎雲詭。有莫可測度者。天方釀而人莫養花。其結果難占之矣。爰移燈勒於冊。蓋心危之。而一字淚零。片念腸斷。

十九日。俗稱觀音誕日。碧華推窗曰。杜鵑着花矣。對花殢鬱如醒。星期一周。幽緒所縈。苦趣斯多。碧與月覲於外。闌無續言。大抵兄書到日。是妾身分明候。慘已計之。可月餘待。不卜者。愁黏病縛。疾疚彌年。假可兄書不至。先以殂

化者。脫於險。覺錫之在天。然死焉。泐泐。執心植操。末由白於芝也。禍來無迹。安危之在余。余不善於家。徐之謀乃入。且亟。是宜不芝之曉。慮其惱。余終不膩。可旦旦也。徐子賢愚。匪有知。特以天賦以情。先之芝。貳之皆不可。倘以強命而違焉。世之比者。皆是情何有也。嫂問病至。猶罔知暴其陰。邀余禮大士於竹峯。以病辭。月奴以年例一往。憇憇之。薄粧與從。幾人一葉。溯金山渡而泊焉。悄扶月奴。緩步短陌。山花夾路。小槁虹臨。春寒猶重。嚙憐腰瘦。再北一樹高掌。怪石貌蹲。有洞岬然下墜。松柏掩霸。極木石之奇觀。殿宇毗列。一門穹然入之。香燭供者。觀音像也。拜已。心香自燃。淚點泔泔。幾破眶而出。殿後丹楓翠竹。間如錯綺。匯水一方。素波磕磕。覺煩襟一滌。鏡之瘦骨盈把。纖腰如削。驚嘆欲絕。嫂亦欬噓爲言。女件有蘅芬者。髻年同硯。呼嫂曰。嫂誠念之。猶奮作盲聲。不憐到居處無耶耶。余貌僵。嫂笑曰。豈獨蘅妹關心。久久意

不少置。徐宦囊曰言之。待兄命至耳。復拭余涕曰。可拜得大士感應。飛一丸字至。厥病良已。余氣逆嗽盛。再無一詞。側覩一影背立。巾服翩翩。忖爲徐子嫂。不仁。給余至此。縱其覽。果爾從此危幕四張。弗獲苟安矣。銜恨歸徑。掩涕浪浪。頽思就牀。長嗽申旦。

二十一日。早醒。落梅風撲。微雨濕蘭蕊。人自多情。花自媚。呼婢架盆蕙。至。芟其庸枝。浴以水。含英猗猗。幽香細吮。繡筐薰籠。花氣與藥氣一膩。此中幽恨。莫數晨昏。嗟嗟。花何心而癡。人草何心而知春。捲盡蕉心。灑來的血。音乖咫尺。雁帳離羣。能不邑邑哉。凌午。朶雲喜握。尋繹意詣。詎謂竹峯一瞥。芝而匠心。盡得阿嫂所言。向之期芝。察吾之隱。閱吾之遇。而後見吾之真。謫言何來。儕余於蕭寺待月。虞切於鄭。不知耿耿者。律古今。詭情於萬惡。用情比金谷燕子。且高之。肯二三其德哉。顧書來詰責。偶徐之謀。閨中豈不知之。胡再不

謀是余欲以安芝者。翻以此見問至。輒謂嫂刳我無懼。芝不諒斯肝腸欲斷。二十六日。嗽與哭連日夜。借淚傷春。將心托月。未知身世。憐得許多。念何以釋芝之疑。坐臥渾無策。月奴調藥眉戲。嫂往來遽頻。料之疾有異。而我視之。他無病。僅心頭火炙。邀芝珊不來。姨母至。淚盈於睫。吻額濺濺墮。有姨無母。酸來刺心。大泣。流多淚枯。月奴替拭亦涕。言於姨曰。病者殆不可任。誠無療劑一索乎。嫂又至。銘兒投懷索抱。姨止之曰。芝叔病莫能興。湯藥方火。容喚霞姑來此。顧余珍重而去。默念之。芝郎不來。蓋有由矣。銘兒就碧華飯。量箸較饌。大嗽。睹之神怡。白霞姑至。簾卷珮響。僂紹便娟。的的望中之嬌。只怪翠眉暗鑽。紅淚偷彈。料得爲我顚顚也。撫余臂。只言可憐。不禁淚滴一奴。霞爲余表妹芝之女弟。錄見投箸大呼。嫂亦捧袂。忽通徐夫人至。嫂叱之曰。嚼爾舌。是張家姆索銘見戲。徐音問梗矣。偕去。良以作峯一哭。嫂已會心。欲掩之。

耳。月奴狀病於霞。霞秋水澄澄。良久無語。忽瞪余言曰。嫂乎。教儂傷心。幾折芝兄咄咄書空。一病如墮魂。視嫂形羸骨立。又奚自者。偏雜聞徐嫗何來。曉曉其問。令人莫由而溯也。碧華參言曰。霞姑復嫂呼乎。余目止之。夫嫂之謔已久。雅好之不以爲忤。語霞曰。傷心一史。問月奴可立罄。月奴乃畢述其事。且告之危。霞曰。果爾。嫂胡脫羅。余曰。萬難。曰。無難之耳。請之。曰。壻徐不良。佳乎。余嗤以鼻。嘆曰。碧海青天。夜夜此心。詔妹。異日。情戀可有。勿作斯想。此爲情天之蠹耳。嫂引一卜嫗至。口狀手寫。異說紛起。留之飯。辭曰。徐夫人坐待覆聞也。余旣愴霞痕之諷。徐之心益可誅。幾疑此身不復芝屬。心急氣危。有物逆吭。吐之血。霞大驚。余泣曰。非吐血。乃嘔心耳。霞再泣。呼輿去。留之不可。期以次曉。

二十七日。拂曉霞主。聞芝珊在床。病絕霍然。然起。霞推之使寐。撫鬢代束情。

髻理梳出斷髮。惻然曰。可憐。默髮絲斷。從知柔腸早碎。恨自靡涯。余起捉烏病少減。一步履須人耳。適有饋至。問之。比屋徐盡返所遺。不獲。對使碑之喘而止。謂余寸錦片楮能忍受哉。霞砭余曰。遇之先勿猛。忍得胯下。前路斯臧。智者不當如是耶。徐嫗會至。讓以詞。余受霞言。蒙衾不答。噫。沈痼小蘇天厄。紅顏生之復殺之。不少爽。余歷境皆如是觀。徐去。芝來。展衾相對。戚戚無怵。相如病骨祇傷情。孫壽啼粧爲飲恨。嫂寒暄數言。向不有此。似有心間情話者。芝欲有言。月睨之。嫂蹀躞庭除。導膳具入。笑曰。芝弟俱飯於此。月奴製得鮮羹。宜病後也。芝謝之去。霞扶余位於西。已設薦下坐。芝不得已東焉。一座黯然。月奴向壁語曰。安得白日長駐。此筵不散。風光斯永。只嘆沈悶于今。來日復慢慢。不卜可易地而觀也。芝廢箸大啼。余本彊飯。遂不食。霞慍曰。婢子大解事。尖言酸人心。殊不適於病侍。芝曰。非關婢子耽心。稽古今情史觀。不

謀斯戚。兄熟籌有久。望妹珍重以俟。霞妹狀昨情於余。掉歎弗置。益矢堅抱。終不負。所不可測者天。但人有毅力。不受天囿。天自狡猾。人自坦適耳。驟聞之。直教沈埋立起。感激刻骨。念言者方遲我口。譬不擇何辭而善。剖心既不。能暢心之餘。淚血胥渺。良久莫以掏示。顏大赤。月奴笑靨乍圓。展唇欲語。霞飛以瞳。彌其語慘。月奴哂而言曰。公子一夕話。豁焉大明。雲姑用心。有加之。而無減。三年怯。可以覷夫。曩者書來。責綦重。於是病劇。以難於家庭。徐之。謀叢戚於心。告之慮傷情。腸子不爾察。一封書勾三日血。雖然弱女何爲地。公子頃言有謀。不者幾疑公子無心耳。曲曲道之。聞者大悅。悚然言骨。妙論善承。如甘露澆頂。澈骨清涼。欽欽心折。肯孤儕輩之屬望。外事余爲之。紅閨起居解病散愁。卿勞矣。月驪曰。奠雁未唱。不能執公子以役也。曷丁宵爲。余暢聞此。心開目明。覺鬱塞万寸。一點喜意。直上眉頰。月與芝之俦。碧袖幽入。

閱封兄之家報。得無允言遽至。開顏淚轉滂。讀之爲慰。問語疑釋。碧華曰。徐書纔發。郵傳尙有時。庸何慮。芝慙然自言曰。驚弓疑務。傷心人安必不爾也。心像芝郎。體量到此。自爾知音。無何。逝水殘陽。速駕已至。細眼送客。意稠言哽。燈下。綜兩日而記之。昨以血逆廢管焉。

三月初一日。煦風和拂。婢輩着新絮襖。余壓重裘不暖。心事重憶。芝哥攬之在已。余終不懌。良以一身左右於嫂。不遵其道。味本他求。庸手也。惟芝氣矜隆然。弗盾下於嫂。厥無仇合之日。余又鐘嫂不以禮。是自墮姻緣於斷潢絕港之中。思欲卑詞媚之。肯以骨氣殉情愛哉。第惡制相衍。嫂亦猶母。執婚有名。無已。喻於優孟。曲謹奉之一汰。故常俟幕終歌歇。花好人圓。無與爾事。呼碧月與商。稱善。第以策而爲。宵甘之也。轉輾弗怡。復嗽月溶藥丸以哺。碧華小瘡有痊。余復臥疴。衰疾爲情之俚。痼疾難爲。瞬恐離此表耳。

初三日微風淒緊。朝哺弗御。蘅芳挈其雛來。啞嘔學語。似豔其甯馨者。意爲之懣。喜蘅而代余舉雄耶。蘅而代蘅投羅耶。余嫂輒絮絮道。嫁得趙紫笙。不强如許芝珊。蓋余兄契趙。余亦姨之心賞。各有用心而未成說。因有鳳紙一盟。潛移其間者。霞有力焉。聞蘅笙亦式好。有者情眷巧締。有者情場百折。豈非天哉。顧兩字婚姻。與生俱來。生命我有。婚姻我屬。何以因嫂意好。憎隨爲我婚姻之的。我憶爾時。曲此禮者。曾不憶今日有可憐之我耳。

初七日。隔宵發熱。炙肌欲灼。凌晨嫂入。柳眉頻綠。詰之。嫂曰。一事使姑娘無懣。不道芝見論婚。北街陸宦。傳者且道女貌如花。善書繡。姑娘弗逮也。早聽而兄贖贖。忍使姑娘墮蒲倖子。幸余目力如虎。拒之不少懈。攀徐氏之婚。入室稱夫人。風光無埒。婢媼羅列。爭如月奴。碧華枯羸如鬼。姑娘好珍養。莫教腰又瘦損。教人呼黃花娘子也。余且聽且淚。心爲之癢。念霞痕者。其舌如絨。